

卷一百五十九

明倫彙編 家範典 卷一百五十九

孝友傳 卷一百五十九

孝友傳

孝友傳 卷一百五十九

孝友傳 卷一百五十九

孝友傳 卷一百五十九

孝友傳 卷一百五十九

孝友傳 卷一百五十九

孝友傳 卷一百五十九

孝友傳 卷一百五十九

孝友傳 卷一百五十九

孝友傳 卷一百五十九

弘簡錄卷一百五十九

明刑部員外郎仁和弘齋邵經邦學

皇清翰林院侍講學士四世孫遠平校閱

庶官 宋六之四

王顯 子希逸 柴禹錫 趙 張遜 楊守 王延德 又程德玄

盧斌 張熙 陳從信 侯莫陳 張平 子從

王繼升 子昭 尹憲 王賓 安忠 戴興

王漢忠 張凝 李重貴 劉用 耿全斌

元達 王能 魏能 陳興 王榮

楊瓊 周瑩 傅潛 張二 郭密 傅思讓

王顯字德明開封人家世本儒遭亂失業初為殿前司小吏事

都點檢張永德太宗居藩與弭德超給事左右性謹介不好狎

未嘗足踐市肆太宗卽位遂有寵累補殿直遷軍器庫副使東
上閣門使忿曹彬任樞密使思代其位會上念邊戍勞苦月加
賜資謂之月頭錢德超以急變聞于上曰臣從鎮州來聞士卒
言月頭錢彬恩所賜微彬幾餒死矣其得士心久將爲不利上
心疑之亟命出彬而除顯宣徽南院德超宣徽北院並兼樞密
副使未幾進顯樞密使賜以道德坊宅一區並軍戒二篇諭曰
旣典機務無暇博覽但能熟此亦可免於面墻同列趙昌言寇
準頗易之無何上知德超之譖復還曹彬黜顯爲隨州刺史充
崇信軍節度觀察留後除知永興軍徙延州上疏言夏臺益部
寇擾宜謹屯戍固城壘積芻糧遴才勇付以邊任縱有緩急備
禦有素彼奚能爲我患哉時制沿邊糧斛不許過河西河西青
鹽不得過界顯請爲差別輕重遠近便之移知秦州盧知翰奏

先時蕃部獻地雖朝命給還而採伐如故請量給茶綵以酬其
直詔遣張從式同往規度顯言乃者因趙保吉脩貢邊城惟務
安靜今無故動衆誠爲非便議遂寢咸平初入朝授橫海軍節
度使移知鎮州曹彬卒復拜樞密使二年郊恩加檢校太師與
副使宋湜從真宗幸大名三年改山南東道同中書門下平章
事定州路行營都部署河北都轉運使兼知定州明年加鎮定
高陽關三路都部署許便宜從事契丹入寇前軍過威武比時
方積雨契丹弓弩濕緩因大破之梟名王貴將十五員獲羽林
甲二鉏斬首二萬級手札慰諭改河陽三城節度使時議親征
顯上言盛寒在序敵未犯塞況今繼遷未滅西鄙不寧儻北邊
和與結援則中國之患未可量也若能選將練卒堅城繕甲亦
足待敵必欲復燕薊舊地則脩文德養勇銳伺時之利以奉行

天罰而後可景德初徙知天雄軍上親征復陳三策已而契丹
請盟德明脩貢加以賞賚許通青鹽皆其請也三年冬被病車
駕上陵恨不得一拜詔中使偕尚醫療視遂卒年七十六篤已
至鄒聞之遣宮苑使鄧永遷馳還護喪贈中書令顯謚觀自回
頗縱部曲擾下時因攀附不數年遂正樞任獎擢之速時無比
者與景德同日宣制拜使相鎮孟津永德兼大夫友在其下舉
朝訝之 子希逸字仲莊幼好學聚書萬卷尤熟唐史以陰種
俱本 希逸授朝奉大夫太子中允咸平初改殿中丞直史館
預脩冊府元龜加祠部員外郎希範至如京副使 德超滄州
清池人初補供奉官遷酒坊使歷杭州兵馬鎮州駐泊都監
時不遷恥居同官柴禹錫下怏怏不樂語多怨望云上無執守
爲汝輩眩惑顯密以告上怒使滕中正就第鞫問伏辜詔奪官

職并家口配隸瓊州以死

柴禹錫字玄圭大名人自少質斂不凡留心問學以善應對給
事晉邸太宗卽位授供奉官服勤職業改翰林副使遷如京使
仍掌翰林司每夜直多名訪外事遷宣徽北院使與趙鎔張遜
楊守一皆以告秦王廷美陰謀乘時違會歷職通顯擢樞密副
使與鎔同掌機務踰年轉南院使賜第寶積坊時廣宮城禹錫
有別業在表識內因請以易官邸上意薄之素與宰相宋琪厚
善琪爲轉請盧多遜故第上意其交通不悅琪言王延範忠勤
禹錫從旁贊之上益疑其朋比下詔切責改驍衛大將軍出知
滄州在任以勤政聞加涪州觀察使徙澶鎮二州駐泊部署知
路州徙永興軍州民乞留詔獎之再召爲宣徽北院使知樞密
院事至道初罷爲鎮寧軍節度使知涇州入謝上面諭故事不

過授防禦使今特加優異委卿旌節兼之重鎮禹錫流涕哽咽
咸平中移知貝州契丹兵奄至內殿備禦寇尋引去明年徙陝
州未幾卒年六十二贈太尉子宗慶尙主宗亮太子中允趙
鎔初名容字化鈞滄州樂陵人少涉文史美書翰以刀筆委質
晉邸勤謹被眷卽位爲改今名補東頭供奉官爲吳越國信使
及納土又令檢校帑廩遷六宅使領羅州刺史掌翰林司轉東
上閤門使與參政郭贇有舊請託不行撫其堂吏過失以聞贇
見上白其事召鎔廷辨詞屈出知梓州兼兵馬部署在郡完城
壑嚴戰具寇至境聞有備引去遷左神武大將軍本州鈐轄徙
知廬州願留不允踰年召爲樞密都承旨同掌三班院拜宣徽
北院使同知樞密院至知院事遣吏卒京城察事至誣賣書人
韓玉抵法太宗尋知其寃後廉事不聽真宗改南院使檢校太

傳以心疾求解授壽州觀察使卒年五十五贈忠正軍節度使
生平好佛多蓄古書畫三十忠輔西京左藏庫副使忠愿虞部
員外郎忠厚內殿崇班

張遜博州高唐人少孤養於叔父職方員外郎幹後隨母歸
仁浦自幼隸晉王帳下小心謹慎卽位補左班殿直征太原還
遷文忠副使至香藥庫使奏言嶺南平後諸蕃國入貢歲通關
市犀象香藥充溢府庫請於京師置權易署聽商人入金帛
之歲可獲錢以濟經費詔允之歲中得三十萬緡後日增羨至
五十萬雍熙二年錄其勞領嬌州刺史三年轉東上閣門使數
月卽除度支使端拱初遷鹽鐵使明年授宣徽北院使簽書樞
密院事未幾兼副使知院事與寇準不協奏事頗相矛盾準與
溫仲舒晚出朝門共轡同行有狂民迎馬首呼萬歲遜令所善

街使王賓奏斥準準因自辨立發其私上惡之下詔切責降遷
右領軍衛將軍判右金吾街仗討李順命備荆渚要害授右
軍衛大將軍知江陵賜錢二百萬白金三千兩既至有峽路漕
三數千相聚謀變將以應蜀遂捕斬首惡楊承進等二十一人
以無慰撫配隸州郡詔嘉之卒年五十六贈桂州觀察使子敏
寺補供奉官改秩換大理寺丞至比部郎中虛中娶宗室申國
公女至供奉官閤門祇候孫先進士及第楊守一初名守志
字象先河南人唐末避亂徙家宋鄭間稍通周易及左氏春秋
事晉邸累年質直勤謹無他材術卽位補右班殿直太平興國
中出護登州兵召還監儀鸞司遷西頭供奉以環衛多貴
族子弟頗豪縱命置三班院令專其事考覈明有條制歲
餘改翰林司擢東上閤門使兼樞密都承旨四方館事雍

熙中詔護遷雲朔歸附安慶兵屯于潞州三年轉內客省使
拱元年授宣徽北院使簽書樞密院事卒年六十四贈太尉諡

終之禮率加常數子安期國子博士孫夢得進士及第

王延德同時有二其一開封東明人曾祖定濮陽令祖璋相州
錄事叅軍父溫遭契丹亂率鄉豪捍蔽境內里人德之宣祖嘗
徵旬兵與溫厚善時延德方總角愛其謹重召置左右太宗尹
京署爲親校專主庖膳尤被倚信卽位授御厨副使遷正使從
征太原加尚食使賜浚儀縣壽昌坊第宅一區俄領蔚州刺史
兼武德皇城司御輦院左藏庫凡領五印懇讓始罷左藏御厨
又兼充親王諸宮使以舊恩每延訪外事延德謹慎不言端拱
初轉本州團練使後當進秩特置昭宣使以寵之與杜彥珣同
領至道二年加平州防禦使真宗改懷州永熙陵復土提點緣

路供頓咸平初出知華州俸給優厚從其請能昭宣使幸大名
爲東京舊城都巡檢使風痺告還本郡卒年六十四贈邕州觀察使所至撰集近事有司膳錄皇城紀事南郊錄版築記又有
永熙皇堂錄山陵提轄諸司記治郡復有下車奏報錄纂修實錄多
以訪之乃上南宮事迹三卷子應昌莊宅使端州團練使
其一大名人永給事晉耶卽位補殿前承旨遷供奉官遣與
殿前承旨白勲同使高昌國自夏州渡河經沙磧歷伊州望北
庭萬五千里雍熙二年使還撰西州程記以獻授崇儀副使轉
正使掌御厨出知慶州淳化三年代還命監折傳倉延德本以
攀附得官傾險好進與宰相張齊賢善求免監倉齊賢爲言之
上怒召詰延德諱言未嘗詣宰相上疑齊賢不實齊賢亦不辨
頓首稱罪乃出延德領懿州刺史五年提點三司磨勘憑由司

未幾拜左屯衛大將軍。俄密都承旨。俄授度支使。真宗轉左千牛衛上將軍。仍充使。以出庫出爲舒州團練使。知鄆與青州。坐市物有剩利。降左武衛將軍。乞骸復上將軍。致仕。卒。年六十八。兄延之。乾德六年進士。卒。屯田郎中。

程德玄字禹錫。鄭州滎澤人。素善醫。太宗尹京。召置左右。署押衙。頗親信用。事太祖大漸之夕。德玄宿信陵坊。夜有扣關突呼趣赴宮邸者。德玄遽起。不暇盟。櫛詣晉王府。方三鼓。府門已閉。有頃。內侍王繼恩馳至。稱遺詔迎太宗。卽位。德玄因從以入。拜翰林使。太平興國二年。陳洪進來朝。奉命迎勞。渡淮。暴風忽起。衆請勿進。荅曰。吾將君命。豈避險阻。祝而行。風浪遽止。三年。遷東上閤門使。領代州刺史。征太原。爲行宮使。還以功改判四方館事。領本州團練。加防禦使。坐市秦隴竹木貴。授閤門使。尋遷。

陝府西南轉運使車駕幸魏府命總御營四面巡檢掌給諸軍
資糧言者論其交遊太盛出爲崇信軍行軍司馬踰年復拜慈
州刺史移知環州時西鄙書豪相繼內附詔付以空名告敕百
道得便宜補授淳化三年復改本州團練使知邠州討李順移
知鳳州兼領鳳成階文等州駐泊兵馬事徙慶州咸平中入朝
真宗命坐撫勞訪以邊事出知并州兼并代副都部署移鎮州
代歸卒年六十五贈鄭州防禦使兄德元同仕王府至內酒坊
副使子賁祥符五年進士累遷太常博士孫繼宗東頭供奉官
閤門祇候繼忠內殿崇班

盧斌開封人初以筆札事晉邸太宗卽位補殿直雍熙中領兵
屯霸州隨曹彬北征旣克涿州令斌以萬人戍守會食盡大兵
將還斌言涿州地在北境外無援兵內無資糧終不能守彬以

爲然乃令斌擁城中老幼並狼山南還易州斌又言還師之日
遼人必乘便剽襲宜爲之備彬不能從諸將果以失律坐譴
聞斌嘗建議詔釋不問除霸州緣邊巡檢使端拱中改永興軍
華州巡檢大賊侯和尚劉渥劫興平櫟陽斌率兵襲之且迫且
鬪薄南山渡渭水直抵鳳翔擒斬略盡以勞改供奉官閤門祇
候賜白金緡錢衣帶尋爲梓遂十二州都巡檢使太宗諭以川
陝人情易搖許便宜從事淳化二年賊任誘等寇昌合州斌率
兵頓鷲州南午鬪山偵知賊在龍水鎮冒大雨馳四十里遂斬
誘等賊衆悉平三年又追降富順監蠻酋南羌一阿奴綢諭以
朝旨歃血爲盟而遣之俄本監及桀戎資州賊復鈔鄉邑斌擒
三百人部送闕下四年賊王盡復起斌又擊滅之遷內殿崇文
討李順率兵六百抵成都連月戰鬪殺賊數萬人明年成都平

守斌復還梓州集十州兵赴援知州張雍委以監護之任會注水溢毀子城諭州民集畚鍤自城西掘大濠決水注之負土塞南北門爲固守計賊二十萬傅城下城中兵纔三千斌威厲士伍乘間突出與戰三十餘合賊稍却會王繼恩令石知顯率兵來援斌出東門迎勞賊不戰而潰乘勝追斬及納降至二萬餘賊復圍閬州斌領千兵赴之破五千人圍遂解又至蓬州老鵝山擊敗賊衆三千抵城下賊復大集斬三千級蓬州平傳詔安撫蓬閬渠蓬四州擢西京作坊使領成州刺史斌在川陝六年以孤軍禦寇累立戰功旣而賊黨集梓綿漢三州境上斌復往平之代還太宗親加勞問拜東上閤門使檢校左僕射加食邑三百戶賜白金袍笏金帶上言葭萌路直通利州若寇焚棧道劔門之險不足爲固請建立砦柵從之尋轉銀夏兵馬鈐轄會

五路討李繼遷斌求對言羌人馬繫兵悍往來無定不若堅保靈州多積芻糧敵至會兵首尾擊之庶外無杜費內不失固圉之策不從改授靈環鈐轄領兵二萬爲先鋒斌不俟詔自環州蒙驪路往與諸將失期不見賊而還徙屯寧州以疾召歸勾當軍頭引見司卒年五十子文質殿中丞

張煦字輔陽開封人開寶末補壽府牙職太宗尹京嘗事左右雍熙二年自陳命爲殿前承旨遷殿直監歙州軍凶人黃行達弟坐法抵死誣州將故入詔煦與宣州通判姚鉉同鞫卽日決遣還擢供奉官歷鎮定邢趙都巡檢使契丹剽境上煦率所部擊走之葛霸周瑩李繼宣咸稱其材幹詔書嘉獎代還拜供備庫副使權知環州數月改岢嵐軍使移知保安軍討王均爲綿漢劔門都巡檢使主攻成都東砦焚其郭及樓堞均突圍而遁

事平就遷正使徙益州都監與知州宋大初同提總本路諸軍事有戰艦卒謀亂煦捕斬之夏人寇邊改四路都鈐轄兼安撫都監累躡寇營掩殺甚衆詔獎之命監西路行營與王超秦翰共援靈武至鎮戎聞城已陷乃引軍還又與張燧出白豹鎮至柔遠川夏人邀戰會慶州監軍張綸擊殺其衆燧按部道歸爲敵所遇煦自慶州赴之射殺其大將景德初命副曹利用爲廣東西路安撫使平宜州陳進改如京使知懷州東封遷文思使知曹州權河陽鈐轄會江淮災復爲江南西路安撫都監累遷西上閣門使徙并代鈐轄以老疾求近郡知磁州卒年七十三煦能明術數善相宅時稱其妙

陳從信字思齊亳州永城人素以恭謹精心計事晉邸官累右知客押衙令典王宮財用事無大小悉以諮焉開寶三年三司